



**H**ieronimus ille à teneris annis operam literis dedit, & primis literarum fundamentis in patria foeliciter iactis, sese ad studiorum Gymnasia contulit, & magna assiduitate Philosophiæ præclaram operam nauauit. Itaque factum ut rerum naturalium magnam notitiam sibi compararit, atque inter doctos honesto loco extiterit. Scripsit rationalis & moralis Philosophiæ epitomē, atque Anno reparatæ salutis humanæ millesimo quingentesimo tricesimo ædidiit. Postea quoque in Aristotelis libros octo Physicorum, libros quatuor de Cælo, libros duos de Generatione, libros quatuor Meteororum, & libros tres de Anima

scholia proposuit, atque hos omnes in compendium redegit, quò facilius à Physices studio sis cognosci possent. Hinc contigit ut Hieronymus suis lucubrationibus omnibus doctis innotuerit, atque ob raras animi uirtutes cunctis gratissimus extiterit, Con,  
Lycoth,